

AMBIENTE DI DANDE SIN FIN NA CAS DI FAMIA BRIEZEN..

**** DEN AMBIENTE a habri aña 1996 cu un tremendo ambiente di DANDE na cas di famia Briezen na San Nicolas.**

Dande a canta DEN AMBIENTE, pa asina ricibi tur e bon deseonan y bendishon pa e aña aki DEN AMBIENTE ta mas fuerte cu nunca!

Na cas di Doña Cheban y Vicente Briezen tabata reina un ambiente familiar sin presedente, na unda e drinksnan tabata jobe manera awacero, e pasapalonan y snacksnan tabata skeiro links y rechts, mientras ora e curpa a cuminsa ta len, e soppie Bé tabata strit

curpa para recht y pone e wowonan habri manera wowo champauw.

Despues cu e grupo di Dande su sombré a yena cu dorie, te cu Dios di ta basta, nan a cambia di musica criollo, den cual e ambiente a termina den un pista di baile, na unda tur hende a baila y goza riba e ritmo "toca malo, pasa dushi".

DEN AMBIENTE ta gradici inmensamente e humilde famia Briezen, pa e tremendísimo trato ricibi.

Cu Dios lo drama Bendishon riba nan y palabranan di mas sincero deseonan pa un FELIZ AÑA 1996...



**** E tremendo grupo musical aki ta un grupo cu ta hiba e nomber di "Hash Harse Harriers". E grupo aki ta uni riba tur diasabra pa asina organiza diferente actonan social, cultural y deportivo, manera entre otro tur diasabra merdia nan ta cana den mondi rond di Aruba. Riba dia di aña nobo, nan ta core un paranda di Dande, bishitando cas y famianan di nan miembronan. Sin duda cu e grupo aki ta sirbi como un bon ehempel pa nos comunidad. Riba foto por aprecia e grupo hunto cu nan lider Koochie Briezen (sintu mei mei), na cas di famia Briezen...**





Flora Landscaping

Un compania joven y dinamico. Pa bo jardin grandi of chikito.

BINI UNO BINI TUR

Nos a caba di ricibi cargamento di mata bon surti y na prijs hopi competitivo.

Pasa libremente na nos oficina nobo na Fergusonstr.
(Petolandia bay aden, na bo man drechi.)

Horario: Dialuna - Diasabra 08:30 - 12:00
02:00 - 06:00

Ta huur heavy Equipment: BACKHOE / BOBCAT / DUMPTRUCK
Pa mas informacion por jama na
Tel: 931-444 - Fax: 24806